



**SAMOSTALNI SINDIKAT DRŽAVNIH SLUŽBENIKA
I NAMJEŠTENIKA U ORGANIMA DRŽAVNE SLUŽBE,
SUDSKOJ VLASTI I JAVNIM USTANOVAMA U FBiH**

Obala Kulina bana br. 1

S A R A J E V O

Broj: 01-IV-140/15

Dana: 19.2.2015. godine

Upravni odbor Samostalnog sindikata državnih službenika i namještenika u organima državne službe, sudskoj vlasti i javnim ustanovama u FBiH (u daljem tekstu: Upravni odbor), na osnovu člana 60. i 79. Statuta Samostalnog sindikata, na sjednici, održanoj dana 19.2.2015. godine, donio je:

**P R A V I L N I K
o korištenju apartmana "AQUAREUMAL" Fojnica**

I - OPĆE ODREDBE

Član 1.

Ovim Pravilnikom uređuju se uslovi i procedura, kriteriji i način korištenja apartmana "AQUAREUMAL" Fojnica (u daljem tekstu: apartman) koji se dodjeljuju članovima Samostalnog sindikata državnih službenika i namještenika u organima državne službe, sudskoj vlasti i javnim ustanovama u FBiH (u daljem tekstu: Sindikat).

Član 2.

Ovaj Pravilnik jedinstveno se primjenjuje u Sindikatu.

II - USLOVI I PROCEDURA ZA DODJELU KORIŠTENJE APARTMANA

Član 3.

Apartmane će koristiti članovi Sindikata i organi Sindikata, za :

- A) sjednice organa Sindikata,
- B) edukacije članstva,
- C) sportske igre,
- D) ostale programske aktivnosti Sindikata.

Član 4.

Član Sindikata, zahtjev za korištenje apartmana utvrđen ovim pravilnikom, podnosi sindikalnoj organizaciji, koja daje prijedlog na osnovu kojeg Koordinacioni odbor donosi konačnu odluku. Koordinacioni odbor je dužan svoju Odluku o izboru korisnika dostaviti Stručnoj službi Sindikata, radi obezbjeđenja rezervacije, najmanje 10 dana od početka predviđenog termina za korištenja apartmana. Za ostale vidove korištenja apartmana iz člana 3. ovog pravilnika nadležan je Izvršni savjet.

Član 5.

Zahtjevi podneseni mimo procedure predviđene ovim pravilnikom neće biti razmatrani.

Član 6.

Korisnici (2+1) apartmana, pri njegovom korištenju, imaju mogućnost da, pored smještaja, koriste gratis i fizikalnu terapiju (tens ili infracrvena sauna), slanu sobu, manuelnu masažu (dva puta u sedmodnevnom aranžmanu), zatvoreni bazen u sklopu hotela "Nature" i otvoreni bazen "Aquapark" Fojnica.

Član 7.

Troškovi ishrane pri korištenjau apartmana (polupansionski aranžman) za svoje članove snose Sindikalne organizacije, čiji zahtjev je odobren od strane Koordinacionog odbora.

Sindikalna organizacija je obavezna da, po odobrenom zahtjevu, Stručnoj službi Sindikata prije početka korištenja apartmana uplati cjelokupan iznos na ime ishrane ili dostavi saglasnost za umanjeње tranše za povrat članarine pri prvoj narednoj uplati.

III KRITERIJI ZA DODJELU SEDMICA-DANA

Član 8.

Broj dana dodjeljuje se koordinacionim odborima proporcionalno broju članova Sindikata u prethodnoj kalendarskoj godini, a ostalim korisnicima iz člana 3. ovog pravilnika u skladu sa Odlukom Izvršnog savjeta.

Član 9.

Maksimalno korištenje apartmana je do sedam dana, a mogućnost za ponovo podnošenje zahtjeva se stiče nakon tri godine od dana korištenja apartmana.

Član 10.

Mogućnost za korištenja apartmana imaju članovi Sindikata čije su sindikalne organizacije statutarne.

Član 11.

O korištenju apartmana u skladu sa ovim pravilnikom vodit će se posebna evidencija od strane Stručne službe Samostalnog sindikata.

Izveštaj o korištenju apartmana razmatrat će Izvršni savjet dva puta godišnje, a Upravni odbor jedanput na kraju svake kalendarske godine.

Član 12.

Ovaj pravilnik stupa na snagu danom donošenja.

Predsjednik

Salih Kruščica, master pravnik